



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1702. usque ad annum 1708

Fleury, Claude

August. Vind. [u.a.], 1781

VD18 13322648

§. 55. Summi Pontificis anxietas & labor propter hosce motus.

[urn:nbn:de:hbz:466:1-67633](https://nbn-resolving.org/urn:nbn:de:hbz:466:1-67633)

fiam Varſaviam properantem, cum Sæc. XVII.
 hunc a Sueco in novum Regem expeti A. C. 1704.
 noſſet, rapi juſſit, & in Saxoniam ab-
 duci: Ne vero hac ſeveritate cetero-
 rum animos exulceraret, in præfatis
 comitiis literas prælegi præcepit, qui-
 bus Cardinalis Primas & Princeps Ja-
 cobus necnon præcipui Nobiles contra
 Regem fœderati omnia extrema moliri
 convincebantur. His auditis Regi fa-
 ventes ad ejus defenſionem bona & vi-
 tam obtulerunt, Moscoviæ etiam Dux
 datus ad comitia literis ſe Auguſto Regi
 omnibus viribus adfuturum ſpon-
 dit. Inde vero magis exacerbati Poloni re-
 belles, diploma querelis, & convitiis
 contra Regem ſcatens promulga-
 runt, cui tamen Rex aliud, quo ſuam
 innocentiam, juſque egregie vindica-
 bat, oppoſuit: nihilominus fœderati
 Sueco pacis conditiones omnino ac-
 ceptas eique proficuas obtulerunt, quas
 tamen ipſe, donec Rex omnino ex-
 auctoratus eſſet, acceptare recuſavit,
 interim vero Elbingam, Thoronium &
 Maimburgum ſubjugavit.

§. LV.

*Summi Pontificis anxietas & labor in
 hiſce motibus.*

Inti-

Sæc. XVII.
A. C. 1704.

Intimo doloris sensu perceperat Clemens Pontifex violenta hæc Polonorum molimina; præprimis ergo ipsum Augustum Regem datis die prima Aprilis ad eum literis enixe rogabat, ut ambos Sobiesckii Regis Filios pristinae libertati redderet, partim quod Jacobus in tenera sua ætate jamjam ad Vienne Turcis eripiendam Regi Patri suo strenuam dedisset operam, partim quod ejus Mater Maria Casimira Regina Vidua Romam pietatis suæ exemplis illustrans, summo mærore afficeretur: hanc in rem pariter Pontifex die quinta ejusdem Mensis literas dedit ad Cardinalem Primate[m], qui jam sexta Martii die, se vacantis Regni interim clavum assumere coactum fuisse, Pontifici significabat. Hic vero publicam salutem, religionemque Catholicam extremo periculo exponi veritus, Regi, Primate, Archiepiscopis, Episcopis, Senatoribus, Equitibusque Polonis die sexta Junii rescripsit, quod quemdam Cardinalem tanquam Legatum a Latere in Poloniam mittere decreverit, qui ea, quæ ad conciliandam concordiam apta censuerit, Pontificis nomine procuraret. Dein Cardinalem Primate[m] de iis, quæ ipso potissimum, & Episcopo Posnaniensi auctoribus, in Varsaviensibus comitiis adversus Regem attentata fuerant,

rant, acriterque increpans, eidem sub Sæc. XVII.
 obedientiæ præcepto injunxit, ut infra A. C. 1704.
 trimestre Romam accedat, censuras &
 pœnas a S. Canonibus constitutas, ni
 pareret, subiturus. „Ad intimi, re-
 „scribemat Pontifex, doloris nostri aug-
 „mentum constanti fama præter om-
 „nem expectationem nostram perlata
 „fuere, quæ in ultimis apud Varša-
 „viam Comitibus (si tamen hoc nomine
 „digna sunt) perperam acta, seu ve-
 „rius attentata sunt. Decebat sane
 „Ecclesiasticum Virum, decebat Anti-
 „stitem, decebat maxime hujus S. R. E.
 „Cardinalem Pontificis potius, qui
 „Christi vices in terris gerit, quam ex-
 „teri, atque etiam heterodoxi Princi-
 „pis vocibus auscultare, optatamque
 „Reipublicæ tranquillitatem, quæ non-
 „nisi salva Catholica religione constare
 „potest, ab ejusdem Religionis hosti-
 „bus non emendicare. Nos quidem
 „pro commissa Nobis universarum Christi
 „ovium sollicitudine, Paternaque, qua
 „omnium Catholicorum Regnorum pa-
 „cem, felicitatemque curare tenemur,
 „Charitate, nihil omisimus, quo im-
 „pendentia Reipublicæ vestræ mala a-
 „vertere satageremus: quid enim po-
 „tuimus facere, & non fecimus? Tu
 „autem contra, qui Nobis jungi debue-
 „ras, propositasque in literis nostris
 „com-

Sæc. XVII. „commodas ineundæ publicæ pacis ra-
 A. C. 1704. „tiones ultro amplecti, Deumque in
 „primis publice a Nobis indictis preci-
 „bus toti Regno propitium conciliare:
 „Muneris tui, ac dignitatis oblitus, ad
 „ea potius conversus es sequenda con-
 „silia, quibus per populorum scissuram
 „extrema expectari possit universi Re-
 „gni, imo & Religionis pernicies; id
 „verò quanto totius Christianæ Rei-
 „publicæ scandalo, quanto nominis
 „tui dedecore, quanta Ecclesiastici Or-
 „dinis invidia (nisi Deus averterit)
 „eventurum sit, nec Nos explicare pro
 „dignitate possumus, nec tu forte sa-
 „tis intelligere. Quis enim probus, ac
 „vere Catholicus sine indignatione au-
 „diat hæc omnia, tanto cum Regni
 „periculo Hæreticorum armis in Pa-
 „triam inductis, Sacerdote Dei Epi-
 „scoporum Regni Primate, Romana-
 „que insuper Purpura condecorato non
 „assentiente solum, sed authore, ac
 „Duce patrata fuisse, illaque Romano
 „nequidquam reclamante Pontifice,
 „imminentemque Regno cladem, ac
 „religioni probrum, exitiumque frustra
 „obtendente: scilicet Regni malis, te
 „judice, occurri non poterat, nisi Hæ-
 „reticorum arbitrio a primo Regni Sa-
 „cerdote Respublica committeretur &
 „firma, solidaque pax, quæ Christo in
 „ter-

